

<b>ADRODDIAD I'R:</b>	Pwyllgor Trwyddedu
<b>DYDDIAD:</b>	10 Mehefin 2015
<b>SWYDDOG ARWEINIOL:</b>	Pennaeth Cynllunio a Gwarchod y Cyhoedd
<b>SWYDDOG CYSWLLT:</b>	Uwch Swyddog Technegol (Trwyddedu) <a href="mailto:trwyddedu@sirddinbych.gov.uk">trwyddedu@sirddinbych.gov.uk</a> 01824 706451
<b>TESTUN:</b>	Rhaglen Gwaith i'r Dyfodol 2015/16

## **1. PWRPAS YR ADRODDIAD**

- 1.2 Rhoi gwybod i'r Aelodau am flaenoriaethau'r Adran Drwyddedu, ynghyd â rhaglen waith arfaethedig y Pwyllgor Trwyddedu ar gyfer 2015/16.

## **2. CRYNODEB GWEITHREDOL**

- 2.1 Mae blaenoriaethau'r Adran Drwyddedu yn adlewyrchu'r ddyletswydd a roddir ar yr Awdurdod o ran ei gyfrifoldebau mewn perthynas â'i swyddogaeth drwyddedu a'i swyddogaeth o ran rheoleiddio, rheoli a gorfodi deiliaid trwydded yn effeithiol, ac ymrwymiad yr Awdurdod i greu cymunedau diogelach a datblygu'r economi.

- 2.2 Y blaenoriaethau a nodwyd ar gyfer 2015/16 yw:

1. Adolygu'r Datganiad Polisi Trwyddedu
2. Adolygu Polisi ac Amodau Cerbydau Hacni / Cerbydau Hurio Preifat
3. Adolygu Polisi ac Amodau Gyrwyr Cerbydau Hacni / Cerbydau Hurio Preifat
4. Adolygu Polisi ac Amodau Gweithredwyr Cerbydau Hacni / Cerbydau Hurio Preifat
5. Polisi Delwyr Metel Sgrap Arfaethedig
6. Adolygu'r Polisi Sefydliad Rhyw
7. Adolygu'r Polisi Masnachu ar y Stryd

## **3. GWYBODAETH GEFNDIR**

- 3.1 Os cofiwch, yn y cyfarfod diwethaf ym mis Medi bu i Swyddogion roi gwybod i chi y byddai rhaglen waith ddiwygiedig yn cael ei chyflwyno i Aelodau yn dilyn newidiadau i flaenoriaethau'r Adran Gweinyddu

Trwyddedu. Mae gan y blaenoriaethau a nodwyd amserlen realistig i'r Swyddogion gadw ati.

**3.2 Adolygiad o bolisi ac amodau Gyrwyr Cerbydau Hacni / Cerbydau Hurio Preifat**

Cyflwyno adroddiad i'r Aelodau yn manylu ar y meini prawf y mae'n rhaid i bob ymgeisydd newydd am drwydded i yrru cerbyd hacni a cherbydau hurio preifat eu bodloni a gofyn i'r Aelodau ystyried a oes angen unrhyw newid er mwyn gwella safon y gyrwyr trwyddedig, gyda phwyslais arbennig ar sicrhau bod y mesurau priodol ar waith i amddiffyn plant ac oedolion diamddiffyn.

**3.3 Adolygiad o bolisi ac amodau Gweithredwyr Cerbydau Hacni / Cerbydau Hurio Preifat**

Cyflwyno adroddiad i'r Aelodau yn manylu ar y meini prawf y mae'n rhaid i bob ymgeisydd newydd am drwydded cerbyd hacni a cherbydau hurio preifat a thrwydded Gweithredwr Hurio Preifat eu bodloni a gofyn i'r Aelodau ystyried a oes angen unrhyw newid er mwyn gwella safon y cerbydau a'r gweithredwyr, gyda phwyslais arbennig ar sicrhau bod y mesurau priodol ar waith i ddiogelu'r cyhoedd sy'n teithio yn y cerbydau hyn.

**3.4 Adolygiad o'r Polisi Masnachu ar y Stryd**

Cyflwyno adroddiad a pholisi diwygiedig i'r Aelodau yn manylu ar y meini prawf y mae'n rhaid i bob ymgeisydd newydd a'r rheiny sy'n adnewyddu eu trwyddedau eu bodloni a gofyn i'r Aelodau ystyried y diwygiadau arfaethedig i'r drefn er mwyn gwella rheolaeth a chefnogaeth Masnachu ar y Stryd yn y Sir.

**3.5 Adolygiad o'r Polisi Sefydliad Rhyw**

Cyflwyno adroddiad i'r Aelodau yn manylu ar y meini prawf y mae'n rhaid i bob ymgeisydd newydd a'r rheiny sy'n adnewyddu eu trwyddedau Sefydliad Rhyw eu bodloni ac i ystyried ymgorffori Adran 27 Deddf Plismona a Throsedd 2009 sy'n ailddosbarthu clybiau dawnsio glin fel lleoliadau adloniant rhyw ac sy'n rhoi pŵer i awdurdodau lleol reoleiddio lleoliadau o'r fath fel sefydliadau rhyw dan Atodlen 3 Deddf Llywodraeth Leol (Darpariaethau Amrywiol) 1982.

**3.6 Polisi Delwyr Metel Sgrap Arfaethedig**

Cyflwyno adroddiad a pholisi drafft i'r Aelodau yn nodi'r meini prawf y bydd yn rhaid i bob ymgeisydd newydd a'r rheiny sy'n adnewyddu eu trwyddedu Delwyr Metel Sgrap eu bodloni. Bydd y polisi arfaethedig yn nodi gofynion gweinyddol, cydymffurfio a gorfodi i helpu Swyddogion a deiliaid trwydded.

**3.7 Adolygiad o'r Datganiad Polisi Trwyddedu**

Cyflwyno adroddiad i'r Aelodau yn manylu ar y gofynion i adolygu'r Datganiad Polisi Trwyddedu pob pum mlynedd fel sy'n ofynnol dan Ddeddf Trwyddedu 2003.

3.8 Bydd y blaenoriaethau uchod yn ffurfio'r brif raglen waith ar gyfer y Pwyllgor Trwyddedu am y 18 mis nesaf.

3.9 Mae'r rhaglen gwaith i'r dyfodol a awgrymir ar gyfer y Pwyllgor Trwyddedu ar gyfer 2015/16 ynghlwm wrth Atodiad 1. Dylai gwaith y Pwyllgor adlewyrchu gwaith yr Adran Drwyddedu a'u cyfarwyddo. Y gobaith yw y bydd y Pwyllgor yn monitro cynnydd yr Adran ac yn cynnig cyngor a chyfarwyddyd pan fo hynny'n briodol.

3.10 Pe bai'r Aelodau o blaid cymeradwyo'r Rhaglen Gwaith i'r Dyfodol arfaethedig, bydd y blaenoriaethau yn cymell cyfres o gamau gweithredu cynlluniedig a fydd yn arwain at y canlyniadau a ddymunir. Gweler Atodiad 2 ar gyfer y Cynlluniau Gweithredu arfaethedig.

3.11 Os cofiwch, yn y cyfarfod diwethaf ym mis Mawrth, gofynnodd rhai Aelodau am adroddiad ar y posibilrwydd o gyfyngu nifer y cerbydau hacni yn y Sir er mwyn helpu i fynd i'r afael â'r materion ar y safleoedd tacsï. Yn dilyn hyfforddiant i Aelodau Etholedig y mis diwethaf (gydag Arbenigwr Cyfreithiol Trwyddedu), lle cafwyd trafodaeth faith ar gyfyngu'r niferoedd, yn arbennig y costau sylweddol sy'n gysylltiedig ag arolygon y galw a'r amser y gallai gymryd i leihau nifer y cerbydau hacni yn y Sir, argymhellwyd gan yr Aelodau na ddylai Swyddogion neilltuo amser nac adnoddau ar y mater hwn.

**4. ARGYMHELLION**

4.1 Tynnu rheoleiddio Cerbydau Hacni oddi ar Raglen Gwaith i'r Dyfodol 2015/16.

4.2 Argymhellir bod y Pwyllgor Trwyddedu yn ystyried ac yn cymeradwyo Rhaglen Gwaith i'r Dyfodol y Pwyllgor Trwyddedu a Blaenoriaethau 2015/16 yr Adran Drwyddedu.